



Broj: 01,02,03-50-18-830/26
Sarajevo, 3. 8. 2026.

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

ZASTUPNIČKI DOM
PARLAMENTA FEDERACIJE
BOSNE I HERCEGOVINE

Primijeno: 31-08-2026			
Org. jed.	Broj	Priloga	Vrijednost
05/1	-02-	95	26

Predmet: Odgovor na zastupničko pitanje, *prosljeđuje se*
Veza vaš akt broj: 05/1-02-95/26 od 11. 3. 2026.

Poštovani,

Dana 3. 8. 2026. Vijeće ministara BiH je dostavilo Parlamentarnoj skupštini Bosne i Hercegovine odgovor na zastupničko pitanje koje je postavila Marijana Hrvčić-Šikuljak, zastupnica u Zastupničkom domu Parlamenta Federacije Bosne i Hercegovine.

U prilogu vam prosljeđujemo navedeni odgovor radi njegovog dostavljanja zastupnici.

S poštovanjem,

ТАЈНИК
ЗАСТУПНИЧКОГ ДОМА
Dražen Mustapić



SEKRETARKA
DOMA NARODA
Gordana Živković

DOSTAVLJENO:

- naslovu
- Generalnom tajništvu Vijeća ministara BiH
- a/a



Broj: 05-50-1-1293-3/26
Sarajevo, 31.07.2026. godine

PARLAMENTARNA SKUPŠTINA BiH

-Zastupnički dom -

Trg Bosne i Hercegovine 1
71 000 Sarajevo

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO
03-08-2026

PRIMLJENO:			
Organizaciona jedinica	Klasifikaciona oznaka	Redni broj	Broj priloga
01,02,03	10-18	830/26	

PREDMET: Odgovor na zastupničko pitanje, *dostavlja se*

Veza: Vaš akt broj 01,02,03-50-18-830/26 od 03.06.2026. godine

Poštovani,

Vijeće ministara Bosne i Hercegovine na 117. sjednici održanoj 30.07.2026. godine, na prijedlog Ministarstva vanjske trgovine i ekonomskih odnosa Bosne i Hercegovine, utvrdilo je Odgovor na zastupničko pitanje, koje je postavila Marijana Hrvić-Šikuljak, zastupnica u Zastupničkom domu Parlamenta Federacije Bosne i Hercegovine.

U prilogu proslijeđujemo Odgovor radi njegovog dostavljanja zastupnici.

S poštovanjem,

Prilog: - kao u tekstu -

DOSTAVLJENO:

-naslovu
-a/a

GENERALNI TAJNIK
VIJEĆA MINISTARA BiH
mr. Robert Vidović



Bosnia and Herzegovina
COUNCIL OF MINISTERS

Broj: 05-50-1-1293-3/26
Sarajevo, 31.07.2026. godine

Marijana Hrvic-Šikuljak, poslanica u Predstavničkom domu Parlamenta Federacije Bosne i Hercegovine, postavila je sljedeće poslaničko pitanje:

„Šta je Vijeće ministara Bosne i Hercegovine i Vlada Federacije Bosne i Hercegovine poduzela do sada, zbog rata na Bliskom istoku i šta planirate poduzeti kako bi se što manje energetska kriza negativno reflektirala na ekonomiju u Bosni i Hercegovini?

Da li će zbog američko-izraelskog sukoba sa Iranom, pored poskupljenja goriva, doći i do poskupljenja električne energije u Federaciji Bosne i Hercegovine?

Na postavljeno pitanje Vijeće ministara Bosne i Hercegovine je na **117. sjednici održanoj 30.07.2026. godine**, utvrdilo sljedeći sjednici

ODGOVOR

Zakonom o ministarstvima i drugim organima uprave Bosne i Hercegovine ("Službeni glasnik BiH", br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) članom 9. definisana je nadležnost Ministarstva vanjske trgovine i ekonomskih odnosa a u kojem se između ostalog kaže: "Ministarstvo je nadležno obavljanje poslova i zadataka iz nadležnosti BiH koji se odnose na definisanje politike, osnovnih principa, koordiniranje djelatnosti i usklađivanje planova entitetskih tijela vlasti i institucija na međunarodnom planu u područjima: - poljoprivrede; - energetike; - zaštita okoline, razvoja i korištenja prirodnih resursa; - turizma".

Podsjećamo da je Bosna i Hercegovina potpisnica Sporazuma o stabilizaciji i pridruživanju između evropskih zajednica i njihovih članica, s jedne strane, i Bosne i Hercegovine, s druge strane, (SSP) („Službeni glasnik BiH - Međunarodni ugovori", br. 10/08, 1/17 i 8/17). Članom 107. SSP-a propisane su obaveze iz oblasti energije.

Takoder, Bosna i Hercegovina je potpisnica i Ugovora o uspostavi Energetske zajednice ("Službeni glasnik BiH - Međunarodni ugovori", broj 9/06), te samim tim preuzela obaveze njegovog ispunjavanja. Acquis Energetske zajednice prati razvoj pravnog okvira Evropske unije i danas obuhvata njenu ključnu energetske legislativu u područjima električne energije, gasa, sigurnosti snabdijevanja, zaštite okoliša, konkurencije, obnovljivih izvora, energetske efikasnosti, nafte, statistike i infrastrukture.

Što se tiče prvog dijela vašeg pitanja navodimo da je Ministarstvo vanjske trgovine i ekonomskih odnosa Bosne i Hercegovine (u daljem tekstu: „Ministarstvo“) još mnogo ranije, prije izbijanja sukoba na Bliskom istoku pokrenulo aktivnosti na uspostavi Sistema obaveznim minimalnih zaliha nafte i/ili naftnih derivata, a u skladu sa zahtjevima Direktive 2009/119/EZ. Naime, Odlukom Ministarskog vijeća Energetske zajednice br. D/2012/03/MC-EnC od 18. oktobra 2012. godine Ugovorne strane Energetske zajednice prihvatile su obavezu implementacije Direktive Vijeća 2009/119/EZ najkasnije do 1. januara 2023. godine. Direktivom 2009/119/EC, propisano je da su države članice Energetske zajednice u obavezi da osiguraju čuvanje zaliha nafte i/ili naftnih derivata u obimu količine uvoza za 90 dana ili potrošnje za 61 dan (u zavisnosti šta je veće).

Ministarstvo je formiralo i koordiniralo rad Radne grupe za implementaciju pravila i propisa Direktive 2009/119/EC - o obavezi država članica da održavaju minimalne zalihe sirove nafte i/ili naftnih derivata. Članovi radne grupe su predstavnici iz entitetskih ministarstava za energetiku i predstavnika iz Brčko distrikta Bosne i Hercegovine. Uz pomoć tehničke asistencije EU4Energy, prezentiran je modela transpozicije Direktive 2009/119/EZ o obaveznim rezervama nafte i/ili derivata nafte u Bosni i Hercegovini. Predloženi modelje izrađen na osnovu rasprave sa prethodnog sastanka Radne grupe i do sada predstavlja najprihvatljiviji model transponiranja i implementacije Direktive 2009/119/EC u Bosni i Hercegovini. Na predloženi model potrebna je saglasnost oba entiteta i Brčko distrikta BiH, kako bi se uputio na usvajanje od strane Vijeća ministara Bosne i Hercegovine.

Uspostavljanjem sistema obaveznih minimalnih zaliha nafte uredili bi se osnovni principi usklađivanja i koordinacije planiranja i djelovanja vlasti i institucija na internom i međunarodnom planu, radi ostvarivanja visokog stepena sigurnosti snabdijevanja derivatima nafte u Bosni i Hercegovini kroz formiranje Obaveznih rezervi i uspostavu usklađenih procedura za rješavanje ozbiljnih poremećaja snabdijevanju derivatima nafte. Ministarstvo nastavlja raditi na ovoj aktivnosti.

Također, kada je u pitanju diversifikacija izvora i pravaca snabdijevanja gasom u Bosni i Hercegovini navodimo da je, na inicijativu Federacije Bosne i Hercegovine, Ministarstvo je u skladu sa Zakonom o postupku zaključivanja i izvršavanja međunarodnih ugovora („Službeni glasnik BiH“ broj 29/00 i 32/13) provelo svu potrebnu proceduru za potpisivanje „Sporazuma između Vijeća Ministara Bosne i Hercegovine i Vlade Republike Hrvatske o izgradnji plinovoda „Južna interkonekcija Bosne i Hercegovine i Republike Hrvatske“. Isti je potpisan u Dubrovniku, Republika Hrvatska, 28. aprila 2026. godine. Za Bosnu i Hercegovinu Sporazum je potpisala gđa. Borjana Krišto, predsjedavajuća Vijeća ministara Bosne i Hercegovine, a za Republiku Hrvatsku gosp. Andrej Plenković, predsjednik Vlade Republike Hrvatske. Predmetnim Sporazumom uređuju se osnove saradnje i zajedničke realizacije projekta izgradnje plinovoda „Južna interkonekcija Bosne i Hercegovine i Republike Hrvatske“ uključujući pitanja projektovanja, izgradnje, finansiranja, nadležnosti za provedbu, kao i druga pitanja od značaja za realizaciju ovog projekta.

Zaključivanjem Sporazuma uspostavlja se pravni okvir za realizaciju projekta od strateškog značaja za Bosnu i Hercegovinu, kojim se osigurava povećanje sigurnosti snabdijevanja prirodnim gasom, diversifikacija izvora i pravaca snabdijevanja, povezivanje gasnog sistema Bosne i Hercegovine sa gasnim sistemom Republike Hrvatske, povezivanje sa regionalnim i širim evropskim tržištem, unapređuje energetska stabilnosti i daljnja integracija u regionalno i evropsko energetske tržište.

Također, Ministarstvo od nastanka krize koordinira sa entitetskim nadležnim ministarstvima za energiju i nadležnim entitetskim ministarstvima za trgovinu, kao i Brčko Distrikt BiH, te izvještava Sekretarijat Energetske zajednice, o uticaju novonastale situacije na Bosnu i Hercegovinu. Ove informacije su bile od pomoći Sekretarijatu da bolje razumije potencijalni razvoj događaja na regionalnom tržištu nafte i procijeni moguće implikacije za Energetsku zajednicu. U proteklom periodu je konstatovano da nije bilo problema sa snabdijevanjem ovim energentom, i da se očekuje da neće biti većih poremećaja u snabdijevanju. Također, entiteti Bosne i Hercegovine su između ostalog poduzeli jasne regulativne mehanizme koji uključuju ograničenje marže, inspeksijske nazore, praćenje i kontinuiranu komunikaciju sa uvoznicima i distributirima, kao i sa carinama i nadležnim službama. To su sve mjere koje direktno utječu na krajnu cijenu ovog energenta.

Za sva dodatna pitanja stojimo vam na raspolaganju.